

**OKVIRNI SPORAZUM**  
**Za nabavku robe - broj OP-14/17**  
**(hematološki reagensi za hemoyzer 3 – PRO Analyticon)**

između:

1. **Javne ustanove Dom zdravlja Kantona Sarajevo**, sa sjedištem u Sarajevu, ulica Vrazova br. 11, ID broj 4200174570004, kojeg zastupa generalni direktor mr.sci.med.prim.dr. Fuad Husić ( u daljem tekstu: **Naručilac**)

i

2. **Đaković doo**, sa sjedištem u Banja Luci, ulica Ul. Aleja Svetog Save br.51, ID broj:4403688920002, koju zastupa direktor Vedran Đaković (u daljem tekstu: **ponuđač**).

## **I Osnovne odredbe**

### **Član 1.**

Na osnovu provedenog otvorenog postupka javne nabavke OP 14/17 za izbor najpovoljnije ponude za nabavku i isporuku roba- **hematološki reagensi za hemoyzer 3 – PRO Analyticon**, za potrebe ugovornog organa uz zaključivanje okvirnog sporazuma sa jednim (prvorangiranim) ponuđačem na vremenski period od dvije godine, prema javnom pozivu objavljenom na Portalu E-nabavke Obavještenjem broj 29-1-1-71-3-40/17 od 14.06.2017. godine, Odlukom o izboru najpovoljnijeg ponuđača broj 01-03-4890-6/17 od 19.07.2017. godine, odabrana je ponuda ponuđača Đaković doo Banja Luka kao najpovoljnija, u skladu sa uslovima i kriterijumima utvrđenim tenderskom dokumentacijom okvirnog sporazuma.

Obaveze za potpisnike ovog Okvirnog sporazuma nastaju tek zaključivanjem pojedinačnog ugovora o isporuci ugovorenih roba.

Pojedinačni ugovori o isporuci robe obavezuju ugovorne strane za cjelokupno vrijeme njihovog trajanja.

## **II Predmet okvirnog sporazuma**

### **Član 2.**

Predmet okvirnog sporazuma je utvrđivanje uslova za zaključivanje pojedinačnih ugovora u javnoj nabavci i isporuci robe - **hematološki reagensi za hemoyzer 3 – PRO Analyticon** između ugovornog organa i ponuđača u skladu sa uslovima iz tenderske dokumentacije i ponude.

## **III Važenje okvirnog sporazuma**

### **Član 3.**

Okvirni sporazum sklapa se na dvije godine. Tokom perioda važenja ovog sporazuma, predviđa se zaključivanje pojedinačnih ugovora.

## **IV Cijena**

### **Član 4.**

Ukupna vrijednost ovog okvirnog sporazuma iznosi 20.000,00 KM bez PDV-a. Jedinične cijene iskazane su u ponudi ponuđača bez PDV-a. Cijene su fiksne i ne mogu se mijenjati za sve vrijeme važenja okvirnog sporazuma.

## **V Obaveze u slučaju neplaćanja fakture**

### **Član 5.**

U slučaju neplaćanja ispostavljenih faktura od strane ponuđača, ponuđač se obavezuje da neće obustaviti izvršenje ugovorenih obaveza do pokretanje postupka raskida pojedinačnog ugovora.

## **VI Način i uslovi zaključivanje pojedinačnih ugovora**

### **Član 6.**

Nakon zaključenja okvirnog sporazuma, kada nastane potreba ugovornog organa za predmetom nabavke zaključit će se pojedinačni ugovor o javnoj nabavci sa specifikacijama i potrebnim količinama.

Prilikom zaključivanja pojedinačnih ugovora ne mogu se mijenjati bitni uslovi iz ovog okvirnog sporazuma a korisnici će biti obavezni pridržavati se planirane vrijednosti nabavke.

### **Član 7.**

Ugovorni organ će pisanim putem obavijestiti o prihvatanju nove ponude za zaključivanje pojedinačnog ugovora o isporuci robe dostavljanjem nove odluke o izboru ponude.

### **Član 8.**

Ugovorni organ će prihvatiti novu ponudu ponuđača:

- a) ako dostavljena ponuda ispunjava sve uslove iz zahtjeva za dostavljanje ponude ugovornog organa iz člana 6. ovog Okvirnog sporazuma;
- b) ako dostavljena ponuda ne sadrži uslove koji mijenjaju uslove ovog Okvirnog sporazuma.

### **Član 9.**

Prilikom zaključivanja pojedinačnih ugovora o isporuci predmetnih roba, potpisnici Okvirnog sporazuma ne mogu mijenjati uslove ovog Okvirnog sporazuma.

Pojedinačnim ugovorima o isporuci predmetnih roba utvrdiće se prava i obaveze ugovornih strana koja nisu uređena ovim Okvirnim sporazumom, u skladu sa tenderskom dokumentacijom i ponudom ponuđača Đaković doo, i to naročito u pogledu: pojedinačnih i ukupne količine ugovorene robe koja će biti isporučena na osnovu pojedinačnih ugovora o isporuci robe, a koja će zavisiti od stvarnih potreba ugovornog organa, načina isporuke, načina plaćanja, a po potrebi i dugih elemenata bitnih za isporuku predmetne robe, u skladu sa opštim uslovima ovog Okvirnog sporazuma.

Jedinične cijene roba za svaki pojedinačni ugovor o isporuci predmetnih roba ne mogu biti veće od jediničnih cijena robe, navedenih u izvornoj prihvaćenoj ponudi dostavljenoj od strane ponuđača Đaković doo, kao prvorangiranog po javnom pozivu.

#### **Član 10.**

Ponuđač se obavezuje da će početi sa isporukom robe po zaključenju pojedinačnog ugovora o isporuci robe na osnovu ovog Okvirnog ugovora.

Ponuđač se obavezuje da će robu po osnovu zaključenog pojedinačnog ugovora o isporuci robe isporučivati sukcesivno, prema potrebi ugovornog organa na osnovu pisane narudžbe.

Ponuđač je dužan kontinuirano isporučivati robu tokom trajanja pojedinačnog ugovora o isporuci robe, odnosno Okvirnog sporazuma.

#### **Član 11.**

Način plaćanja će se definisati pojedinačnim ugovorom o isporuci robe.

#### **Član 12.**

U slučaju da ponuđač nakon zaključenja pojedinačnog ugovora o isporuci robe, zaključenog na osnovu ovog Okvirnog sporazuma, ne isporuči robu koja je predmet nabavke ili ne izvršava svoje obaveze u skladu sa dostavljenom prvobitnom izvornom ponudom, specifikacijom robe dostavljenoj na osnovu tenderske dokumentacije i potreba ugovornog organa, odnosno ne isporuči robu odgovarajućeg kvaliteta, ugovorni organ ima pravo tražiti otklanjanje nedostataka ili može raskinuti pojedinačni ugovor o isporuci robe i ovaj Okvirni sporazum.

Ponuđač je dužan u cjelosti nadoknaditi ugovornom organu sve troškove prouzrokovane postupanjem opisanim u predhodnom stavu ovog člana. U tom slučaju, ugovorni organ, ima pravo na naknadu stvarne štete uključujući i štetu nastalu na drugim dobrima prema opštim pravilima o odgovornosti za štetu.

#### **Član 13.**

Ponuđač odgovara ugovornom organu za sve štete prouzrokovane namjerom ili nepažnjom ponuđača do iznosa stvarne štete. Odgovornost za štetu utvrđuje se u skladu sa odredbama važećeg Zakona o obligacionim odnosima.

## Član 14.

U slučaju da ponuđač Đaković doo prilikom izvršenja isporuka po pojedinačno zaključenom ugovoru o isporuci robe učini povredu odredbi ovog Okvirnog sporazuma, ugovorni organ ima pravo jednostrano raskinuti ovaj Okvirni sporazum, ako ponuđač, posljedice povrede ne otkloni u roku od 8 dana od pisanog upozorenja ugovornog organa.

Raskidom Okvirnog sporazuma, istovremeno se raskida i zaključeni pojedinačni ugovor o isporuci robe.

## VII posebne i završne odredbe

### Član 15.

Za sve što nije regulisano ovim okvirnim sporazumom, primjenjivat će se odredbe Zakona o obligacionim odnosima, kao i drugi propisi koji regulišu ovu materiju.

### Član 16.

Potpisnici ovog sporazuma su saglasni da će sve eventualne sporove proistekle iz ovog Okvirnog sporazuma kao i zaključenih pojedinačnih ugovora o isporuci robe rješavati prevashodno međusobnim dogovaranjem.

Ako potpisnici ovog sporazuma ne uspiju riješiti nastali spor ili problem, međusobnim dogovorom, za rješavanje spora nadležan je Sud u Sarajevu.

### Član 17.

Sporazum je sačinjen u dva primjerka od kojih ugovorne strane zadržavaju po jedan.

**Ugovorni organ**

**Javna ustanova Dom zdravlja  
Kantona Sarajevo  
Generalni direktor**

**Ponuđač**

**Đaković doo  
Direktor**

**Mr.med.sci.prim.dr Fuad Husić  
Spec.porodične/obiteljske medicine**

**Vedran Đaković**

**Sarajevo, 16.08.2017. godine  
Broj: 01-03- 4890-7/17**

**dana 22.08.2017  
Broj: I-643/2017/D**